

ՎԵՋ. ՀԱՅՐԱԿԵՏԸ ԹԻՖԼԻՍՈՒՄ

Անցեալ մարտի ին Ադգիս ՎեՋ. Հայրապետը, ուղեկցութեամբ Գիւանապետ տ. Կորիւն վարդապետի և նորընծայ Ներսէս արեղայի ըարեհաճեց իւր շնորհաբեր այցելութեամբ պատուել թիֆլիս բաղաբը:

Վեճափառն այն դիտաւորութեամբ էր ս. Էջմիածնից մեկնել, որ պէտքէ այցելէր մի քանի թեմերը և այդ մասին ծանուցուած էր արդէն վիճ. Առեաններին: Թեմական բաղաբը ներում արդէն սկսել էին ընդունելութեան պատրաստութիւններ տեսնել և այդ մասին կարդում ենք Աստրախանսկի Վեստնիկ՝ լրագրում, որ աստրախանցի Հայերը երկար խորհրդակցութիւն են ունեցել Նորին ս. Օգոստոսի ամենայն Հայոց կաթողիկոսի ընդունելութեան համար, որ այս օրերս պիտի ժամանէր Հաշտարխան: Ժողովում ներկայ եղողների մէջ հանգանակուել է 5000 ռուբլի ընդունելութեան ծախքերի համար, ընդունուել են 20 ներկայացուցիչներ, որոնք առանձին վարձուած շողենաւով կընդառաջեն կաթողիկոսին, ընտրուած է կարգադրիչ մասնաժողով 12 անձերից և տեսնուում են մեծ պատրաստութիւններ: Հայոց թեմ. Գլխորդ երկրորդ յարկը դատարկուում է և շքեղ կահաւորում, պիտի շինուին մի քանի յաղթական կամարներ՝ նաւամատոյցի մօտ, գլխորդի առաջ: Հայոց եկեղեցիները զարդարուում են, երեկոները հրավառութիւն և նշանակուած և այլն: Նման պատրաստութիւններ են տեսնուել և Քիշնեւում, ինչպէս հաղորդեց ռուս գործակալութեան հեռագիրը: Մասնաւոր թղթակցութիւններից մեզ յայտնի է, որ նման շքեղ պատրաստութիւններ էին տեսնուում և Շամախի, Գանձակ և Բաղու Սակայն, Վեճափառը, 11 օր թիֆլիս մնալուց յետոյ վերադարձաւ ս. Էջմիածին Տօնական օրերը Մայր Աթոռում անցնելու:

ԱՄԵՐԻԿԱՅԻ ԼԵՋԵՐԸ ՀԱՅ ԵԿԵՂԵՑՈՒ ՀՈՎԱՆՈՒ ՆԵՐՔՈՑ

Մեր ընթերցողներին արդէն յայտնի է, որ Ամերիկա ընաւուող լեճերը, իսպառ հեռանալով Հռովմի եկեղեցու հետ հաղորդակցութիւնից, ցանկացան կազմել իրանց համար ինքնուրոյն եկեղեցի և դիմելով Ազգիս ՎեՋ. Հայրապետին՝ խորեցին ձեռնադրել իրանց համար եպիսկոպոս: ՎեՋ. Հայրապետը առաջարկել էր կանխապէս որոշել իրանց յարաբերութիւնը Մայր Աթոռի հետ, որից պիտի ստանան ցանկացած շնորհ:

Այժմ, ինչպէս տեղեկանում ենք, լեճացիները դիմել են Վեճափառին մի պաշտօնագրով, հաստատուած ամերիկեան բաղաբական իշխանութեան կողմից, որի մէջ ասոււմ են, թէ Ամերիկայի Միացեալ Նահանգներէ պոլոնացիք հաւաքուելով Պեն-